

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ**259 Ижтимоий нафақалар тайинлаш тартибини янада такомиллаштириш ҳамда оилаларнинг жами даромадлари янада тўлиқ ҳисобга олинишини таъминлаш тўғрисида**

Ўзбекистон Республикаси Президентининг «Ўзбекистон Республикасининг 2012 йилги асосий макроиктисодий кўрсаткичлар прогнози ва Давлат бюджети параметрлари тўғрисида» 2011 йил 30 декабрдаги ПҚ-1675-сон қарорига мувофиқ ҳамда фуқароларнинг ўзини ўзи бошқариш органлари орқали ижтимоий нафақалар тайинлаш ва тўлашнинг манзиллилигини ошириш мақсадида Вазирлар Маҳкамаси **қарор қилади:**

1. Эҳтиёжманд оилаларга нафақалар ва моддий ёрдам тайинлаш учун ўртача ойлик жами даромад миқдорини ҳисоблаб чиқиш тартиби тўғрисидаги низом 1-иловага мувофиқ тасдиқлансин.

2. Ўзбекистон Республикаси Давлат солиқ қўмитаси фуқароларнинг ўзини ўзи бошқариш органларининг тақдимномаларига кўра нафақалар ва моддий ёрдам олиш учун оила аъзоларининг даромадлари тўғрисидаги маълумотларнинг ишончлилиги қонун ҳужжатларида белгиланган тартибда текширилишини таъминласин.

3. Республика «Маҳалла» жамғармаси Ўзбекистон Республикаси Мехнат ва аҳолини ижтимоий муҳофаза қилиш вазирлиги, Молия вазирлиги ҳамда Иқтисодиёт вазирлиги билан биргаликда аҳоли ўртасида эҳтиёжманд оилаларга нафақалар ва моддий ёрдам тайинлаш учун ўртача ойлик жами даромад миқдорини ҳисоблаб чиқиш тартиби тўғрисида кенг тушунтириш ишларини амалга оширсин.

4. Ўзбекистон Республикаси Ҳукуматининг 2-иловага мувофиқ айрим қарорларига ўзгартириш ва қўшимчалар киритилсин.

5. Вазирликлар ва идоралар Ўзбекистон Республикаси Адлия вазирлиги билан биргаликда бир ой муддатда ўз идоравий норматив-ҳуқуқий ҳужжатларини ушбу қарорга мувофиқлаштирайсинлар.

6. Мазкур қарорнинг бажарилишини назорат қилиш Ўзбекистон Республикаси Бош вазирининг биринчи ўринбосари Р.С. Азимов зиммасига юклансин.

**Ўзбекистон Республикасининг
Бош вазири**

Ш. МИРЗИЁЕВ

Тошкент ш.,
2012 йил 7 июнь,
165-сон

Вазирлар Маҳкамасининг
2012 йил 7 июндаги 165-сон қарорига
1-ИЛОВА

**Эҳтиёжманд оилаларга нафақалар ва моддий ёрдам
тайинлаш учун ўртача ойлик жами даромад миқдорини
ҳисоблаб чиқиш тартиби тўғрисида
НИЗОМ**

I. Умумий қоидалар

1. Ушбу Низом қонун ҳужжатларига мувофиқ фуқароларнинг ўзини ўзи бошқариш органлари томонидан тайинланадиган ва ҳар ойда тўланадиган вояга етмаган болалари бўлган оилаларга нафақаларни (кейинги ўринларда болали оилаларга нафақалар деб аталади), бола 2 ёшга тўлгунгача парвариш қилиш учун нафақаларни (кейинги ўринларда оналарга нафақалар деб аталади), шунингдек кам таъминланган оилаларга моддий ёрдамни (кейинги ўринларда моддий ёрдам деб аталади) олиш ҳуқуқини берадиган ўртача ойлик жами даромад миқдорини ҳисоблаб чиқиш тартибини белгилайди.

2. Болали оилаларга нафақалар, оналарга нафақалар ва моддий ёрдам ҳар бир оила аъзосига ўртача ойлик жами даромад миқдори энг кам ойлик иш ҳақининг 1,5 бараваридан ортиқ бўлмаган оилаларга тайинланади ва тўланади.

3. Ўртача ойлик жами даромад миқдори болали оилаларга нафақалар, оналарга нафақалар ёки моддий ёрдам учун мурожаат қилинган ойдан олдинги охириги уч ойда қонун ҳужжатларига мувофиқ белгиланган энг кам ойлик иш ҳақи миқдоридан келиб чиққан ҳолда аниқланади.

Оиланинг ҳар бир аъзосига тўғри келадиган ўртача ойлик жами даромад оиланинг ҳар бир аъзосининг болали оилаларга нафақалар, оналарга нафақалар ёки моддий ёрдам олиш учун мурожаат қилинган ойдан олдинги охириги уч ой учун ҳисоблаб чиқилган ўртача ойлик даромади суммасини оиланинг жами даромадини ҳисоблаб чиқиш учун қабул қилинган оиланинг аъзолари сонига бўлган ҳолда аниқланади.

**II. Ўртача ойлик жами даромад миқдорини ҳисоблаб
чиқишда ҳисобга олинадиган оила таркиби**

4. Болали оилаларга нафақалар, оналарга нафақалар олиш учун оила таркибига:

отаси, онаси ёки болаларнинг никоҳдаги ҳар икки ота-онаси (фарзандликка олувчилар);

ота-онаси билан биргаликда яшайдиган ва уларнинг қарамоғида бўлган болалар, шунингдек ота-онаси билан биргаликда яшайдиган ва ўз оиласига эга бўлмаган 16 ёшдан катта ёшдаги болалар (шу жумладан фарзандликка олинган болалар);

болаларнинг улар билан биргаликда яшайдиган боболари ва бувилари; болаларнинг ота-оналари билан биргаликда хўжалик юритувчи бошқа шахслар киритилади.

Биргаликда яшайдиган оила аъзолари таркиби фуқароларнинг ўзини ўзи бошқариш органи томонидан белгиланади.

Агар бир уй хўжалигида (бир почта манзили бўйича) икки ва ундан ортик болали оилалар яшаган тақдирда, болали оилаларга нафақалар, оналарга нафақалар ва моддий ёрдам олиш учун бир оила таркибига болаларнинг ота-оналари, шунингдек уларнинг боболари ва бувилари ҳамда болаларнинг ота-оналари билан биргаликда хўжалик юритувчи бошқа шахслар, агар улар нафақа тайинлашда бошқа болали оилада ҳисобга олинмаган бўлса, қабул қилинади.

5. Моддий ёрдам олиш учун оила таркибига оиланинг биргаликда яшайдиган барча аъзолари киритилади.

Биргаликда яшайдиган оила аъзолари таркиби фуқароларнинг ўзини ўзи бошқариш органи томонидан белгиланади.

6. Болали оилаларга нафақалар, оналарга нафақалар ва моддий ёрдам тайинлаш учун ўртача ойлик жами даромад миқдорини ҳисоблаб чиқишда ҳисобга олинмаган оила таркибига қуйидагилар киритилмайди:

нафақа ёки моддий ёрдам олиш учун мурожаат қилган ота-оналарнинг ака-укалари ва опа-сингиллари, агар уларнинг ўз оилалари бўлса;

ота-оналари уларга нисбатан ота-она ҳуқуқларидан маҳрум этилган болалар;

уларнинг таъминоти учун Ўзбекистон Республикаси қонун ҳужжатларига мувофиқ пул маблағлари тўланадиган васийлик (ҳомийлик)даги болалар ва тўлиқ давлат таъминотидаги болалар;

чақирик бўйича ҳарбий хизматни ўтаётган ёхуд ҳарбий таълим муассасида ўқиётган ота-она (фарзандликка олувчи);

суднинг қарорига кўра жазони ижро этиш жойларида эканлиги муносабати билан оилада ҳозир бўлмаган ота-она (фарзандликка олувчи).

III. Ўртача ойлик жами даромад миқдорини ҳисоблаб чиқишда ҳисобга олинмаган оила даромадлари турлари

7. Ўртача ойлик жами даромад миқдорини ҳисоблаб чиқишда ҳисобга олинмаган оиланинг жами даромадига оила аъзолари томонидан олинган қуйидаги даромадлар киритилади:

меҳнатга ҳақ тўлаш шаклидаги даромадлар;

мол-мулкдан олинган даромадлар;

хусусий тадбиркорнинг даромади;

чет элда ишлайдиган ёки тадбиркорлик фаолиятини амалга ошираётган оила аъзоларидан пул тушумлари суммаси;

Ўзбекистон Республикаси қонун ҳужжатларида белгиланган бошқа даромадлар.

8. Мехнатга ҳақ тўлаш шаклидаги даромадлар ҳисобланган сумма бўйича ҳисобга олинади (солиқ ҳақидаги қонунларда назарда тутилган солиқлар ва бошқа мажбурий тўловлар чегириб ташлангунга қадар).

9. Хорижий валютада олинadиган оила даромади Ўзбекистон Республикаси Марказий банкининг болали оилаларга нафақалар, оналарга нафақалар ва моддий ёрдам олиш учун ариза берилган кунда белгиланган курси бўйича Ўзбекистон Республикасининг миллий валютасига қайта ҳисоблаб чиқилади.

IV. Даромад миқдорини аниқлаш

10. Оиланинг ўртача ойлик жами даромади ушбу Низомнинг 20-бандига мувофиқ фуқаролар томонидан тақдим этиладиган оила аъзоларининг даромадлари тўғрисидаги маълумотлар асосида аниқланади.

11. Агар фуқаролар томонидан тақдим этилган оила аъзоларининг даромадлари тўғрисидаги маълумотларда ушбу Низомнинг 12 — 18-бандларига мувофиқ ҳисоблаб чиқилган норматив даромаддан паст даромад суммаси кўрсатилган бўлса, у ҳолда оиланинг ўртача ойлик жами даромадини ҳисоблаб чиқиш учун норматив даромад миқдори қабул қилинади.

12. Хусусий тадбиркор норматив даромадининг ҳар ойлик миқдори қуйидаги формула бўйича аниқланади:

$$\text{Од} = \text{БСС} \times 2, \text{ бунда:}$$

Од — хусусий тадбиркорнинг ойлик норматив даромади;

БСС — қонун ҳужжатларида белгиланган фаолият тури бўйича юридик шахс ташкил этмасдан тадбиркорлик фаолияти билан шуғулланувчи жисмоний шахслардан (хусусий тадбиркорлардан) олинadиган қатъий белгиланган солиқ ставкаси.

13. Юридик шахс ташкил этмаган шахсий ёрдамчи ва деҳқон хўжалиги бошлиғи норматив даромадининг ҳар ойлик миқдори қуйидаги формула бўйича аниқланади:

$$\text{Од} = \text{Ем}/10 \times \text{Нод}, \text{ бунда:}$$

Од — юридик шахс ташкил этмаган шахсий ёрдамчи ва деҳқон хўжалиги бошлиғининг ойлик норматив даромади;

Ем — шахсий ёрдамчи ва деҳқон хўжалигини юритиш учун берилган ер участкаси майдони (сотихлар бўйича белгиланади);

Нод — ер майдонининг ҳар 10 сотихидан олинadиган, қонун ҳужжатларига мувофиқ белгиланган энг кам ойлик иш ҳақининг икки баравари миқдоридаги норматив ойлик даромад.

Ер участкаси объектив шароитлар (сув билан таъминланмаганлик, тупроқнинг шўрланганлиги ва бошқалар) бўйича норматив ойлик даромад-

ни юқорида кўрсатилган миқдорда олиш имконини бермаган ёки умуман даромад олиш имконини бермайдиган айрим ҳолларда маҳаллий давлат ҳокимияти органлари норматив ойлик даромадни пасайтириш томонга тузатиш киритишлари мумкин.

14. Уй хўжалигида оиланинг қорамолдан олинадиган норматив даромадининг ҳар ойлик миқдори қуйидаги формула бўйича аниқланади:

$$\text{Од} = (\text{Қбс} - 1) \times \text{ЭКИХ} / 2, \text{ бунда:}$$

Од — уй хўжалигида оиланинг қорамолдан олинадиган норматив даромаднинг ҳар ойлик миқдори;

Қбс — уй хўжалигидаги қорамоллар бош сони, ёш моллар чиқариб ташланган ҳолда;

ЭКИХ — қонун ҳужжатларига мувофиқ белгиланган энг кам ойлик иш ҳақи миқдори.

Юридик шахс ташкил этмаган шахсий ёрдамчи ва деҳқон хўжалигида қорамол мавжуд бўлган тақдирда оила норматив даромадининг ҳар ойлик миқдори юридик шахс ташкил этмаган шахсий ёрдамчи ва деҳқон хўжалигидан олинган норматив даромад ҳар ойлик миқдорининг ва уй хўжалигидаги қорамолдан оиланинг норматив даромади ҳар ойлик миқдорининг жами сифатида белгиланади.

15. Кўчмас мулкни ижарага беришдан олинган норматив даромаднинг ҳар ойлик миқдори қонун ҳужжатларига мувофиқ уй-жойни ижарага берувчи жисмоний шахслар учун белгиланган ижара тўлови ставкаларидан келиб чиққан ҳолда белгиланади.

16. Автомототранспорт воситаларини ижарага беришдан олинган норматив даромаднинг ҳар ойлик миқдори энг кам ойлик иш ҳақининг 2,5 баравари миқдорида белгиланади.

17. Чет элдан ойлик пул тушумларининг норматив суммаси чет элда меҳнат ёки тадбиркорлик фаолиятини амалга оширувчи оила аъзолари сонини энг кам ойлик иш ҳақининг 2,5 бараварига кўпайтириш йўли билан аниқланади.

18. Оиланинг охириги уч ой мобайнида ишламаётган меҳнатга лаёқатли аъзолари (16 ёшгача бўлган болаларни тарбиялаш, ўқиш, ўзгаларнинг парваришига муҳтож бўлган шахсларга қараш билан банд бўлмаганлар) учун, меҳнат бўйича органларда нафақалар олувчилар бундан мустасно, норматив даромаднинг ҳар ойлик миқдори қуйидаги формула бўйича аниқланади:

$$\text{Од} = \text{Иоас} \times \text{ЭКИХ} \times 2,5, \text{ бунда:}$$

Од — оиланинг охириги уч ой мобайнида ишламайдиган меҳнатга лаёқатли аъзоларининг ҳар ойлик норматив даромади;

Иоас — оиланинг охириги уч ой мобайнида ишламайдиган меҳнатга лаёқатли аъзолари сони;

ЭКИХ — қонун ҳужжатларига мувофиқ белгиланган энг кам ойлик иш ҳақи миқдори.

19. Хусусий корхона мулкдори ва фермер хўжалиги бошлигининг ўртача ойлик жами даромади тегишли хусусий корхона ва фермер хўжалигининг олдинги йилда олинган, уларнинг тасарруфида қолган (солиқлар ва бошқа мажбурий тўловлар тўлангандан кейинги фойда суммаси) даромадини 12 га бўлиш йўли билан аниқланади.

V. Даромадлар тўғрисидаги маълумотларни тақдим этиш тартиби

20. Болали оилаларга нафақалар, оналарга нафақалар ва моддий ёрдам олиш учун ариза берадиган шахс ушбу Низомга иловага мувофиқ шакл бўйича, ариза берилган ойдан олдинги охирги уч ой учун оила аъзоларининг даромадлари тўғрисидаги маълумотларни (кейинги ўринларда маълумотлар деб аталади) тўлдиради.

Маълумотларга қуйидаги тасдиқловчи ҳужжатлар илова қилинади:

тузилган меҳнат шартномаси (контракт) ёки фуқаролик ҳуқуқи ҳақидаги шартномалар бўйича ишларни бажарувчи шахслар учун (солиқ тўловчининг индивидуал рақами нусхаси илова қилинган ҳолда) — иш жойидан маълумотнома;

дивидендлар тарзида даромад олувчи шахслар учун — дивидендлар тарзидаги даромадлар суммаси ва ушлаб қолинган солиқнинг умумий суммаси тўғрисида дивидендлар тўлаган юридик шахс томонидан берилган маълумотнома;

охирги уч ойда яқка тартибдаги жамғариладиган пенсия ҳисоб рақамига мажбурий бадаллар тушуми тўғрисида Давлат-тижорат Халқ банки филиали томонидан берилган маълумотнома;

хусусий табиркорлик фаолиятини амалга оширувчи ёки деҳқон хўжалиги бошлиғи ҳисобланадиган шахслар учун — юридик шахс ташкил этмасдан хусусий тадбиркор ва деҳқон хўжалиги сифатида давлат рўйхатидан ўтказилганлиги тўғрисидаги маълумотнома нусхаси;

мол-мулкни (кўчмас мулкни ва автомобилтранспорт воситасини) ижарага берганлик тўғрисидаги шартнома нусхаси;

туман (шаҳар) Бандликка кўмаклашиш ва аҳолини ижтимоий муҳофаза қилиш марказида ишсизлар сифатида рўйхатдан ўтказилган шахслар учун — Бандликка кўмаклашиш ва аҳолини ижтимоий муҳофаза қилиш марказидан маълумотнома;

пенсиялар учун — Молия вазирлиги ҳузуридаги бюджетдан ташқари Пенсия жамғармасининг туман (шаҳар) бўлимидан маълумотнома;

стипендия олувчи талабалар учун — таълим муассасасидан маълумотнома.

Зарурият бўлганда, фуқароларнинг ўзини ўзи бошқариш органи ариза берган шахсдан бошқа тасдиқловчи ҳужжатларни, шу жумладан:

давлат солиқ хизмати органларидан — хусусий корхона мулкдори ва фермер хўжалиги бошлигининг тасарруфида қоладиган даромадлар тўғрисидаги ҳужжатни;

жазони ижро этиш муассасаларидан — оиланинг озодликдан маҳрум этишга ҳукм қилинган аъзоларига оид ҳужжатни;

мудофаа ишлари органларидан — оиланинг ҳарбий хизматни ўтаётган аъзосига оид ҳужжатни талаб қилиши мумкин.

Бунда кўрсатилган маълумотнома ва маълумотлар мурожаат қилинган кундан бошлаб бир кун мобайнида бепул тақдим этилиши керак.

21. Ариза бераётган шахслар томонидан ўз оиласи аъзоларининг даромадлари тўғрисида ишончсиз маълумотларни қасддан тақдим этиш ёки уларнинг бузилиши, бунинг оқибатида нафақалар ва моддий ёрдамнинг асоссиз тайинланиши қонун ҳужжатларида назарда тутилган тартибда жавобгарликка, шунингдек ноқонуний олинган пул маблағлари қайтарилишига олиб келади.

VI. Оиланинг ўртача ойлик жами даромади миқдорини ҳисоблаб чиқиш

22. Оиланинг ўртача ойлик жами даромадини ҳисоблаб чиқиш ариза берувчи томонидан нафақа ёки моддий ёрдам тайинлаш тўғрисидаги ариза билан бир вақтда тақдим этилган маълумотлар асосида, болали оилаларга нафақалар, оналарга нафақалар ва моддий ёрдам тўлайдиган фуқароларнинг ўзини ўзи бошқариш органи томонидан, тегишли фуқаролар йиғини ҳудудига биркитилган Бандликка кўмаклашиш ва аҳолини ижтимоий муҳофаза қилиш маркази ходими иштирокида амалга оширилади.

23. Оиланинг даромади ва унинг таркиби ўзгарган тақдирда ариза берувчи шахс бир ойдан кеч бўлмаган муддатда бу ҳақда нафақа ёки моддий ёрдам тўлайдиган фуқароларнинг ўзини ўзи бошқариш органига маълум қилиши шарт.

VII. Оила аъзоларининг даромадлари тўғрисидаги маълумотларни текшириш

24. Тақдим этилган маълумотларнинг ишончлилиги маълумотлар тақдим этилган кундан бошлаб уч кун муддатда нафақа (моддий ёрдам) тайинлаш бўйича махсус комиссия аъзоси ва тегишли фуқароларнинг ўзини ўзи бошқариш органи ҳудудига биркитилган Бандликка кўмаклашиш ва аҳолини ижтимоий муҳофаза қилиш маркази ходими томонидан текширилади.

25. Тақдим этилган маълумотларнинг ишонччилигини текшириш маълумотларнинг тасдиқловчи ҳужжатларга мувофиқлигини текшириш, шунингдек, зарурият бўлганда, маълумотларни берган шахсдан ва унинг оила аъзоларидан сўраб-суриштириш йўли билан амалга оширилади.

26. Зарурият бўлганда, (нафақа тайинлаш учун барча зарур ҳужжатлар

тақдим этилган санадан бошлаб уч кундан кечикмай) фуқароларнинг ўзини ўзи бошқариш органи тақдим этилган маълумотларни уларни текшириш учун маҳаллий давлат солиқ хизмати органига:

хусусий тадбиркорларнинг ушбу тоифаси учун белгиланган солиқ ставкасини тасдиқлаш;

дивидендлар тарзида олинган даромадлар суммасини текшириш учун сўровнома юбориши мумкин.

Давлат солиқ хизмати органлари сўровнома тушган кундан бошлаб ўн иш кунидан кечикмай тегишли маълумотларни фуқароларнинг ўзини ўзи бошқариш органларига тақдим этишлари керак.

Эҳтиёжманд оилаларга нафақалар ва моддий
 ёрдам тайинлаш учун ўртача ойлик жами
 даромад миқдорини ҳисоблаб чиқиш тартиби
 тўғрисидаги низомга
 ИЛОВА

варақ

_____ га берилади.
 (фуқароларнинг ўзини ўзи бошқариш органи номи)

**Нафақалар ва моддий ёрдам олиш учун оила аъзоларининг даромадлари тўғрисида
 МАЪЛУМОТЛАР**

1. Маълумот берувчи шахснинг Ф.И.О. _____
2. Паспорти: Серияси № Паспорт берилган сана йил кун ой
3. Уй манзили _____
4. Менинг оилам аъзолари таркиби ва даромадлари тўғрисида қуйидаги маълумотларни йил ой йил ой гача хабар қиламан:

I. Оила таркиби

(барча оила аъзолари, жумладан маълумот берувчи шахс ҳам кўрсатилади)

Т/р	Фамилияси, исми	Туғилган йили	Иш, ўқиш жойи, пенсионер, мактабгача ёшда, ишсиз ва бошқалар
1.			
2.			
3.			
4.			
5.			
6.			
7.			
8.			
9.			
10.			
11.			
12.			

II. Оила аъзоларининг охириги уч ойдаги даромадлари:

1. Меҳнатга ҳақ тўлаш тарзидаги даромадлар (ҳар бир даромад олувчи бўйича тўлдирилади) сўм
 (агар оила аъзоси турли манбалардан даромад олса, ҳар бир даромад манбаи алоҳида кўрсатилсин)

Т/р	Даромад олувчининг фамилияси ва исми	Биринчи ой учун	Иккинчи ой учун	Учинчи ой учун	Уч ой учун ҳаммаси

2. Мол-мулк даромадлари, шу жумладан ижара, тадбиркорлик фаолияти, деҳқон ва шахсий ёрдамчи хўжаликдан олинган даромадлар, хусусий корхона ва фермер хўжалиги бошлиғи тасарруфида қоладиган даромад, якка тадбиркорнинг даромади, хориждан тушган пул маблағлари ва бошқалар сўм

Т/р	Даромаднинг номи	Олувчининг фамилияси, исми	Биринчи ой учун	Иккинчи ой учун	Учинчи ой учун	Уч ой учун ҳаммаси

3. Оила аъзолари томонидан олинган пенсиялар, стипендиялар, ижтимоий нафақалар, алиментлар сўм

Т/р	Даромад олувчининг фамилияси, исми	Биринчи ой учун	Иккинчи ой учун	Учинчи ой учун	Уч ой учун ҳаммаси

0	2
---	---

 варақ

4. Бошқа доимий даромадлар (чорвачилик маҳсулотларини сотишдан, грантлар бўйича суммалар, яратилган асарлар учун даромадлар, иш берувчидан олинган моддий ёрдам, ишламаётган пенсионерларга тўловлар ва шу кабилар) сўм

Т/р	Даромаднинг номи	Биринчи ой учун	Иккинчи ой учун	Учинчи ой учун	Уч ой учун ҳаммаси

III. Қўшимча равишда қуйидаги маълумотларни билдираман:

1. Юридик шахс ташкил этмасдан деҳқон ва шахсий ёрдамчи хўжаликни юритиш учун фойдаланиладиган ер участкаси майдони

--	--	--

 сотих
2. Қорамоллар бош сони (ёш чорва молларидан ташқари)

--	--

 бош
3. Хорижда меҳнат ёки тадбиркорлик фаолиятини амалга ошираётган оила аъзолари сони

--	--

 киши
4. Охирги уч ой давомида ишламаётган меҳнатга қобилиятли оила аъзолари сони (16 ёшгача болаларнинг тарбияси, ўқиш, ўзгаларнинг парваришига муҳтож бўлган шахсларга қараш билан банд бўлмаганлар)

--	--

 киши
5. Тадбиркорлик фаолияти билан банд бўлган оила аъзолари сони

--	--

 киши
6. Ижарага бериладиган кўчмас мулк объектлари номи

Мен, _____, нотўғри маълумотлар берганлик учун жавоб бериш тўғрисида огоҳлантирилдим ва мен берган маълумотларнинг давлат солиқ инспекцияси томонидан текширилишига розиман.

Берилган маълумотларни тасдиқлаш учун илова қилинади (тасдиқловчи ҳужжатлар номи):

1. _____
2. _____
3. _____
4. _____
5. _____
6. _____
7. _____

Маълумот берган шахснинг имзоси _____

Сана

йил

кун

ой

Маълумотларнинг ишончлилиги ва тўлиқлигини текширдим:
Махсус комиссия аъзоси: Ф.И.О. _____ Имзо _____ Сана _____
Бандликка кўмаклашиш ва аҳолини ижтимоий муҳофаза қилиш маркази ходими: Ф.И.О. _____ Имзо _____ Сана _____

Давлат солиқ инспекцияси ходими томонидан тўлдирилади (зарур ҳолларда)
ДСИ номи _____ Ф.И.О. _____
Текшириш учун асос _____ <small>Фуқаролар йиғини мурожаатининг тартиб рақами ва санаси</small>
Текшириш натижаси _____
Сана <input type="text"/> <input type="text"/> <input type="text"/> <input type="text"/>
Имзо _____

Вазирлар Маҳкамасининг
2012 йил 7 июндаги 165-сон қарорига
2-ИЛОВА

Ўзбекистон Республикаси Ҳукуматининг айрим қарорларига киритилаётган ўзгартириш ва қўшимчалар

1. Вазирлар Маҳкамасининг «Кам таъминланган оилаларни ижтимоий ҳимоя қилишни ташкил этиш масалалари тўғрисида» 1994 йил 24 августдаги 434-сон қарорига (Ўзбекистон Республикаси ҚТ, 1994 й., 8-сон, 40-модда) иловада:

а) 7-бандга қуйидаги мазмундаги хатбоши қўшилсин:

«Аризага тасдиқланган шакл бўйича оила аъзоларининг даромадлари тўғрисидаги маълумотлар илова қилинади»;

б) 8-бандга қуйидаги мазмундаги хатбошилар қўшилсин:

«Оиланинг нафақага муҳтожлигини аниқлаш учун асос сифатида оиланинг қонун ҳужжатларида белгиланган тартибга мувофиқ аниқланган ўртача ойлик жами даромади миқдори қабул қилинади.

Фуқароларнинг ўзини ўзи бошқариш органи фуқароларнинг ўзини ўзи бошқариш органи ҳисоб рақамидаги маблағлар миқдоридан ва моддий ёрдамнинг белгиланган миқдорларидан келиб чиққан ҳолда моддий ёрдам кўрсатиш учун мезонлар ва асосларни мустақил равишда белгилайди. Бунда моддий ёрдам тайинлаш учун оиланинг бир аъзосига тўғри келадиган ўртача ойлик жами даромад миқдори жами даромад аниқланадиган даврда белгиланган энг кам ойлик иш ҳақининг 1,5 бараваридан кўп бўлмаслиги керак»;

в) 22-бандга қуйидаги мазмундаги хатбоши қўшилсин:

«оила аъзоларининг даромадлари тўғрисида бузиб кўрсатилган ва ишончсиз маълумотлар аниқланганда, агар ушбу маълумотлар фуқароларнинг ўзини ўзи бошқариш органининг моддий ёрдам тайинлаш тўғрисидаги қарорига таъсир қилиши мумкин бўлса».

2. Вазирлар Маҳкамасининг «Болали оилаларни ижтимоий қўллаб-қувватлашни кучайтириш чора-тадбирлари тўғрисида» 1996 йил 10 декабрдаги 437-сон қарорига (Ўзбекистон Республикаси ҚТ, 1996 й., 12-сон, 35-модда) иловада:

а) 12-банднинг иккинчи хатбошидаги «шунингдек, оиланинг жами даромадини ҳисоблаш учун фуқароларнинг ўзини ўзи бошқариш органи томонидан белгиланган даврда оила аъзолари олган даромаднинг миқдори» сўзлари чиқариб ташлансин;

б) 13-бандда:

«а» кичик банд қуйидаги тахрирда баён қилинсин:

«а) тасдиқланган шакл бўйича оила аъзоларининг даромадлари тўғрисидаги маълумотлар»;

«г» кичик банд чиқариб ташлансин;

в) 15-банднинг учинчи хатбошидаги «нисбатан кўп» сўзлари «уч юздан ортиқ» сўзлари билан алмаштирилсин;

23-24 (523-524)-сон

— 23 —

259, 262-моддалар

г) 18-бандда:

биринчи хатбошига «тўғри келадиган» сўзларидан кейин «қонун ҳужжатларида белгиланган тартибга мувофиқ аниқланган» сўзлари қўшилсин; иккинчи хатбоши чиқариб ташлансин;

д) 19-бандга қўйидаги мазмундаги жумла қўшилсин:

«Бунда нафақа тайинлаш учун оиланинг бир аъзосига тўғри келадиган ўртача ойлик жами даромад миқдори жами даромад аниқланадиган даврда белгиланган энг кам ойлик иш ҳақининг 1,5 бараваридан кўп бўлмаслиги керак»;

е) 28-банднинг иккинчи хатбоши чиқариб ташлансин;

ж) қўйидаги мазмундаги 29¹-банд қўшилсин:

«29¹. Оила аъзоларининг даромадлари тўғрисидаги ёки бошқа маълумотларнинг ишончлилигини текширишда фуқаролар йиғинининг ёки Нафақа тайинлаш комиссиясининг қарорига таъсир этган бузиб кўрсатилган ва ишончсиз маълумотлар аниқланганда нафақа тўлаш тўхтатилади, асоссиз тўланган пул маблағлари эса қонун ҳужжатларида белгиланган тартибда фуқароларнинг ўзини ўзи бошқариш органининг ҳисоб рақамига қайтарилиши керак».